

أرقام إتصالات الطوارئ

000	البوليس، المطافي، الإسعاف (لحالات الطوارئ فيها خطورة على الحياة)
132 500	مساعدة خدمة طوارئ الولاية (SES)
131 351	شركة ويسترن باور Western Power
132 351	شركة هورايزن باور Horizon Power
131 375	هيئة الموية Water Corporation
131 352	قسم طوارئ وأعطال الغاز في شركة ألينتا

الإستعداد للعواصف

لو داير معلومات زيادة

موقع الانترنت بتاع هيئة خدمات المطافي

www.fesa.wa.gov.au

والطوارئ

خط BoM للتحذير والنصائح بخصوص العواصف

1300 659 213

التنبؤات الجوية وتنبؤات العواصف

www.bom.gov.au

أحوال الطرق وحركة المرور (Main Roads WA)

138 138

في نصائح ومعلومات زيادة موجودة في موقع الانترنت بتاع FESA باللغات الصينية، الدينكا، الفارسية، الفيتنامية، المندرينية، العربية، الإندونيسية، الصومالية، السواحلية، الفرنسية، الكنتونية، الأميركية، النوير، الكارينية، الداري، الكيروندي، العربي السوداني.

خس في موقع الانترنت: www.fesa.wa.gov.au

المعلومات الموجودة في المنشور ده مقدمة من هيئة المطافي وخدمات الطوارئ Fire and Emergency Services Authority (FESA) كخدمة تطوعية عامة المنشور ده عملناو بحسن نية وجمعناو من مصادر بنعتقد ألو ممكن الزول يعتمد عليها والمعلومات دي دقيقة في وكت النشر. لكن برضو إعتيادية المعلومات وصحتها ما مضمونة وكمات ناس FESA بخلو نفسهم من أي مسؤولية عن أي تصرف أو إهمال يحصل بالاعتماد على المعلومات الموجودة هنا وعن أي نتائج، مباشرة أو غير مباشرة، بتحصل بسبب التصرف أو الإهمال ده. القصد من المنشور ده ألو يكون دليل ارشادي بس ولازم الناس بقرو هو يحصلو على نصائح ويستفسرو بطريقتهم الخاصة. أبريل 2010

FESA

FESA House, 480 Hay Street Perth, Western Australia 6000

GPO Box P1174, PERTH WA 6844

تلفون: +61 9300 9323 8 فاكس: +61 9384 9323 8

إيميل: fesa@fesa.wa.gov.au

موقع الانترنت: www.fesa.wa.gov.au

لو احتجت للمساعدة

في حالات الطوارئ الخطرة والبتهدد حياة الناس، اتصل على 000

لو حصلت ليك أضرار شديدة في بيتك ومحتاج مساعدة، اتصل بناس خدمة طوارئ الولاية بالتلفون رقم 132 500.

المتطوعين بتاعين خدمة طوارئ الولاية ح يجوك بأسرع ما يمكن. المساعدة بقدموها حسب الأولويات، إنت لازم تصبر.

التنظيف

- إبدأ بالنظافة حول بيتك – أجمع الحاجات المشتتة زي أغصان الشجر والأنقاض ولتها في أكوام بعيدة من عدادات الموية والصمامات وخطوط التلفون
- اتصل بمجلسك المحلي عشان يدوك نصائح عن خدمة جمع مخلفات الحدائق وغيرها من المواد زي سجاجات الإسبستوس

خدمة طوارئ الولاية

المتطوعين بتاعين خدمة طوارئ الولاية التابعين لهيئة المطافي وخدمات الطوارئ FESA State Emergency Service (SES) بساعدو أفراد المجتمع في ولاية غرب أستراليا أثناء العواصف والكوارث الطبيعية الثانية وفي حالات الطوارئ.

المتطوعين بتاعين خدمة طوارئ الولاية بساعدو أفراد المجتمع بـ:

- يعملو تصليحات مؤقتة للبيوت وأماكن العمل. وإنت مسؤول أنك ترتب للتصليحات الدائمة. إتصل بشركة تأمينك
- ينضفو الأشجار الواقعة
- ينقذو الناس المحبوسين أو المصابين
- يعملو أكياس رملية في الحدات المعرضة للفيضانات
- يساعدو الناس في الانتقال لأماكن ثانية

المساعدة دي عادة بتكون بسيطة في الحدات المجهزة كويس لموسم العواصف، وعشان كده المتطوعين بتاعين خدمة طوارئ الولاية يعملو توعية للمجتمع عن طرق تقليل أثار العواصف على حياة الناس وبيوتهم. الناس المتطوعين ديل بشتغلو بدون قروش وبخصصو وكتهم وبتحملو البرد والمطر والهباب والحالات الخطرة عشان يجو ويساعدو مئات الناس المحتاجين لمساعدة في حالات الطوارئ.

أثناء العواصف الشديدة ممكن تكون في اتصالات كثيرة لطلب المساعدة الطارئة عشان كده الاستجابة بتكون حسب الأولوية. المتطوعين بتاعين خدمة طوارئ الولاية بجو بأسرع ما يمكن.

موسم العواصف

العواصف ممكن تجي معاها أمطار ثقيلة وهباب مضرّة وبرد وفيضانات وأعاصير في الجزء الجنوبي من ولاية غرب أستراليا بين شهر مايو وأكتوبر من كل سنة. ولكن برضو العواصف ممكن تجي في شهور الصيف، عشان كده أهم شيء أنك تكون جاهز طول السنة.

العاصفة دي شنو؟

العواصف بتحصل لمن الهواء الدافئ والرطب القريب من الأرض يندفع بسرعة لفرق في جو غير مستقر.

ليه المفروض نستعد للعواصف؟

الهباب المضرّة والفيضانات والبرد والأعاصير ممكن تسبب أضرار في بيتك وعر بيتك وللبيئة. وممكن برضو تسبب إصابات أو وفيات. كثير من الأضرار البتعملها العواصف في البيوت بتحصل من:
- أجزاء مخلخلة ومكسورة في سقف البيت
- تساقط الشجر والفروع
- موية جاية من البلاعات المقفولة والمواسير الأرضية
الناس ممكن يحافظو على سلامتهم ويقفلو الأضرار في بيوتهم بأنهم يكونو مستعدين.

أستعد كيف

إنت مسؤول من تجهيز عائلتك وبيتك للعاصفة. ولو كنت ساكن في حنة معرّضة للعواصف، إنت لازم تهتم في الفترة بين شهر مارس ومايو أنك تجهز بيتك من جوة وبره. في خطوات بسيطة ممكن تساعدك أنك تقلل الأضرار:

- أفقد سقف البيت بتاعك وبلاعاتك عشان تتأكد من أي أجزاء خرابانة أو مخلخلة
- نضف البلاعات والمواسير الأرضية من أوراق الشجر والأوساخ
- قص أغصان الشجر القريبة من بيتك وأجرّ ليك زول ينضف الشجر من خطوط الكهرباء
- نضف الأوساخ من حوشك، وبلكونتك أو فسحتك وشيل أي حاجات مشتتة بعيد

- جهّز حزمة طوارئ وراڊيو محمول وبطارية وحجارة بطارية إحتياطية ومواد إسعافات أولية وخطة طوارئ للعائلة
- أتأكد من أنو ناس بيتك فاهمين يعني شنو عواصف وعارفين مخاطرها
- جهّز خطة طوارئ فيها خطة إنتقال في حالة غرق بيتك في الفيضان. فكّر في أنك ح تعمل شنو مع حيواناتك الأليفة وأعرف كيف تقفل خطوط الغاز والكهرباء والموية (راجع موقع هيئة المطافئ)

وخدمات الطوارئ FESA لو دابر معلومات زيادة)

- أحتفظ بأرقام تلفونات طوارئ في مكان ظاهر
- أتأكد من أنك عندك تأمين كافي على بيتك وعفشك

تحذيرات الأحوال الجوية

إنت ممكن تكون متابع لتحذيرات ونصائح الأحوال الجوية:

- عن طريق نشرات الأخبار في الراديو والتلفزيون والانترنت
- في موقع الانترنت www.fesa.wa.gov.au بتاع هيئة المطافئ وخدمات الطوارئ FESA
- في موقع الانترنت بتاع هيئة الأرصاد الجوية www.bom.gov.au - أو بالاتصال بخطهم بتاع تحذيرات ونصائح الطقس والفيضانات في التلفون رقم 1300 659 213

لمن تكون في تنبؤات بالعاصفة

- صلح الأجزاء المخلخلة وشيل الأوساخ من حول بيتك أو مكان شغلك، لأنو الهباب القوية أثناء العواصف ممكن تحوّل الأجزاء المخلخلة دي إلى مقذوفات قاتلة
- ثقّل الأجزاء المخلخلة بأكياس بلاستيك مليانة بالتراب، وما تستخدم الطوب لأنو الطوب ممكن يتشتت مع الهبوب الشديدة
- أتأكد من أنو حزمة الطوارئ بتاعتك جاهزة ومكتملة
- أتأكد من أنو حيواناتك في مكان آمن

ختت عربيتك جوة قراش

لو إنت برّه وموجود في بيتك، إنت لازم تتصل بعائلتك أو أصحابك عشان يتأكدو من أمان بيتك

عمال البناء لازم يختو أي مواد بناء بعيد من البيت ويأمّتو السقايف بتاعتهم

• الناس العندهم قوارب لازم يتأكدو من أنو قواربهم راسية بأمان

• الناس العاملين مخيمات لازم يمشو أماكن بديلة لحمايتهم

يمكن تحتاج لأكل خاص وأدوية للأطفال أو المعوقين في العائلة.

حزمة الطوارئ

- الأوراق الهامة في شنط/أكياس مقفولة
- بطارية
- جونتات قوية
- مواد إسعافات أولية
- راديو محمول
- حليب الأطفال
- حجارة بطارية إحتياطية
- أكل معلب
- شنط/أكياس مقاومة للموية



أثناء العاصفة

- أقفل ستائر البيت وحاجبات الشمس وأقعد جوة البيت بعيد من الشبابيك
- لو صادفتك العاصفة وانت برّه البيت شوف ليك مكان آمن بعيد من الشجر وخطوط الكهرباء والحديد ومجاري موية المطر والأنهار والخيران
- لو كنت في القارب بتاعك أو بتعوم أو بتلعب رياضة ركوب الأمواج، أمرق من الموية
- لو كان في برق، أفصل الأدوات الكهربائية من الكهرباء وما تستخدم التلفونات الأرضية
- لو كانت في فيضانات إنت ممكن تعمل أكياس رملية براك من أكياس بلاستيك أو أكياس مخدات مليانة تراب
- لو كنت سائق عربيتك في مطرة ثقيلة أعمل حسابك شديد في الشارع:
 - خفف السرعة. ولع أنوارك وخلي مسافة أمان كويسة بينك وبين العربات التانية
 - لو ما كنت قادر تشوف كويس، وقف عربيتك على جانب الطريق وشغل أنوار الطوارئ لغاية ما تقف المطرة
 - ما تخش في حتات موية إنت ما عارفها غريقة قدر كيف وما عارف سرعة التيار فيها

بعد العاصفة

- أتفقد بيتك وممتلكاتك لو فيها أي أضرار
- شوف لو أصحابك وجيرانك محتاجين مساعدة
- أبعد الأطفال من المجاري الطافحة والأنهار والخيران وجداول الموية
- أبعد من أسلاك الكهرباء الواقعة لأنها خطيرة ولازم تتوقع أنو فيها كهرباء في كل الأوقات
- أعمل حسابك من الشجر الواقع والمباني المكسرة
- لو كنت سائق عربيتك، خفف السرعة وخلي مسافة أمان كافية بينك وبين العربات التانية، وأعمل حسابك في الحتات المليانة موية
- لو الشوارع مليانة موية، ما تخش في حتات موية إنت ما عارفها غريقة قدر كيف وما عارف سرعة التيار فيها
- ما تسوق في الشوارع فيها حصى وحجارة لأنو ح تكون فيها مزلقانات وطين والعربات ممكن توحد فيها